

Sarajevo, 31.12.2024.

Komentar Predstavništva njemačke privrede u BiH na Odluku o minimalnoj plati Vlade FBiH od 30.12.2024.

Kako saznajemo iz medija u BiH, Vlada FBiH je donijela Odluku o visini minimalne plate za 2025. godinu. Ta odluka je izuzetno nepovoljna za veliki broj članova Predstavništva njemačke privrede u BiH, a posebno za članove iz proizvodnog sektora.

Više je razloga zašto je odluka ocjenjena nepovoljnom:

1. Odluka je donesena 30.12.2024. sa primjenom od 01.01.2025. – to u praksi znači da firmama nije ostavljeno dovoljno vremena za:
 - a. Prilagodbu finansijskih planova za 2025. godinu (zbog značajnog povećanja troškova)
 - b. Komunikaciju sa vlasnicima u inostranstvu
 - c. Reorganizaciju rada radi pokušaja umanjivanja efekata ove Odluke
2. Većina članova Predstavništva njemačke privrede u BiH ima dugoročne ugovore sa svojim kupcima, te nije moguće ukalkulisati ovo značajno povećanje troškova u konačnu cijenu proizvoda
3. Značajan negativan efekat na konkurentnost FBiH kao lokacije za privlačenje stranih investicija:
 - a. Povećanje znači da je ukupni trošak minimalne plate u FBiH 1744 KM (892 EUR) dok je u Mađarskoj ukupni trošak minimalne plate 348800 HUF (849 EUR po zadnjem kursu) – dakle trošak minimalne plate u članici EU, koja se nalazi u neposrednoj blizini glavnih izvoznih tržišta je za čak 5% manji nego u FBiH.
4. Odluka o visini minimalne plate za 2025. je u potpunosti u suprotnosti sa najavama koje su dolazile iz Vlade FBiH u toku čitave godine (smanjenje poreznog opterećenja, produženje odluka o neoporezivim primanjima radnika – pomoći itd.).

Efekti ovakve odluke su ozbiljni i značajni. Rast troška minimalne plate je značajno veći od očekivanog rasta inflacije. Sa druge strane, u zadnje 4 godine imamo kontinuirani rast minimalne plate po stopama većim nego u EU ili u drugim zemljama okruženja. Takvu situaciju nije moguće amortizirati naglim povećanjem produktivnosti radnika. Stoga smo svjedoci velikom broju zatvaranja preduzeća u radno-intenzivnim oblastima.

Ovakva odluka kažnjava veliki broj naših članova koji su koristili ranije i povoljne odluke Vlade FBiH i koristili mogućnosti da isplaćuju radnicima dodatna sredstva bez poreznog tereta.

Dakle, ovakvom odlukom su oštećeni naši članovi, bez nekog značajnog benefita za radnike. Uposlenici sa početnim platama u suštini neće imati veća primanja, a članovi će biti dodatno opterećen dodatnim poreznim teretom.

Apelujemo na Vladu FBiH da povuče navedenu odluku, produži odluku o isplati neoporezive pomoći i za čitavu 2025. godinu, te da ovakve odluke ne donose ishitreno i bez sagledavanja stvarnih efekata.

S poštovanjem,

Predstavništvo njemačke privrede u BiH

Wirtschaftsverein